



# Synfocity = 941

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

June 13, 2024

## ☐ **Kohhran Inpumkhatna Joint Committee**

June 11, 2024 (Thawhlehi) khan J.M. Lloyd Hall, Synod Office-ah Mizoram Kohhrante Inpumkhatna Joint Committee chu an thu khawm a. He Meeting-ah hian Kohhran hrang hrang paruk - Mizoram Presbyterian Kohhran, Mizoram Baptist Kohhran, Evangelical Church of Maraland, Lairam Isua Krista Baptist Kohhran, Evangelical Free Church of India leh Isua Krista Kohhran (Bualpui Ng) aiawhte an thu khawm a ni.

Meeting hi Rev. R. Vanlalngbaka, Synod Moderator-in a kaihrui a, Secretary hnen atangin report ngaihtlak a ni. Secretary report-ah hian May 6, 2024-a BCM Headquarters Office-a Drafting Committee thut khawm a nih thu te, May 2, 2024-ah Kohhran dang hruaitute kawmna hun hman a nih thu te, Council of Churches in Mizoram hruaitu turte dawn a nih tawh thu te a tel.

Meeting-a thu ngaihtuah tur chhawp chhuah zingah Council of Churches in Mizoram (CCM) Constitution ruahmanna chungchang te, Council of Churches in Mizoram hawna programme ruahman chungchang te, CCM Interim Budget ruahmanna te, CCM Office hawn chungchang te, kohhran pawl dang atanga member nih dilna te a tel a ni.

Council of Churches in Mizoram a pian theihna tura Joint Meeting hmasa ber chu January 24, 2023 khan BCM Headquarters-ah neih a ni a. He inhmukhawmah hian Drafting Committee din a ni. Drafting Committee ruahmanna chu May 19, 2023-ah Booth Manson Hall, Salvation Army Headquarters-ah en ho a ni a. Drafting Committee ruahmanna chu pawmin mahni kohhran rorelna sangah ngaihtuah tura thlen leh theuh a ni a. Hemi hnu hian April 3, 2024-ah JM Lloyd Hall, Synod Office-ah Joint Meeting hi neih leh a ni a. CCM danpui lo duang turin Drafting Committee ruat a ni.

Church Council in Mizoram din hun atan October 27, 2024 ruat a ni a. CCM hruaitu turin chanvo hetiang hian insiamrem a ni tawh a, Kohhran tinin Office Bearer tura an ruatte pawh Joint Meeting chuan a pawm a, October 26, 2024-a CCM Rorel Inkhawmah hei hi pawm tura chhawp chhuah a ni ang.

- |                               |                                                                                         |
|-------------------------------|-----------------------------------------------------------------------------------------|
| President                     | - Rev. R. Lalbiakliana, (BCM)                                                           |
| Vice Presidents               | - a) Rev. B. Zazawna Lai (LIKBK)<br>b) Rev. Lalrodinpuia L.S. Nghaling (IKK Bualpui Ng) |
| General Secretary (Full time) | - Rev. Dr. Lalmangaiha (MPC)                                                            |
| Joint Secretary               | - Rev. T. Salaw (ECM)                                                                   |
| Treasurer                     | - Upa R. Lalmalsawma (MPC)                                                              |
| Finance Secretary             | - Rev. Jessai L. Neitham (EFCI)                                                         |

## ☐ **India Missions Association-in Global Mission Summit an hman**

June 11, 2024 (Thawhlehi) zan khan Vanapa Hall-ah India Missions Association (IMA) inkhawmpui lian Global Mission Summit (GMS) 2024 hawna inkhawm (Inaugural Session) chu hman a ni a, Mizoram Chief Minister, Upa Lalduhoma chu khuallian a ni. GMS hi June 11-14, 2024 chung hian Zarkawt Kohhran Biak Inah neih a ni.

GMS hawna inkhawmah hian Rev. R. Vanlalngbaka, Synod Moderator-in hunserh a hman a. Rev. Dr. K. Lallawmzuala, Executive Secretary-in inlawmna leh inhmelhriattirna a nei a. Rev. Andrew Semp, IMA Chairman-in chibai bukna thu a sawi zawhah Chief Guest, Pu Lalduhoma, Chief Minister-in Keynote Address a sawi. Hemi hnu hian IMA General Secretary, Rev. Isac S. Raja-in thu a sawi a. Rev. R. Lalmingsanga, Synod Mission Board Secretary-in lawm thu a sawi hnuin Rev. C. Zoramawia, Senior Executive Secretary-in malsawmnain Inaugural Session hi a tin a ni. Inkhawm kar lakah hian zaipawl pali - Synod Mission Choir, The Leprosy Mission Choir, TBZ Choir leh Aizawl Area Baptist Choir te an zai a. Art & Culture Department Cultural Troupe-in Mizo hnam lam chi thum - Khual lam, Cheraw leh Chheih lam hmuhdawm tak an entir bawk a ni. GMS Inaugural Session hi Hruaina Eng TV leh Synod Information YouTube Channel-ah live-a pek chhuah a ni.

GMS hawna inkhawmah hian IMA palaite bakah Aizawl chhunga Bial hrang hrang aiawhte leh ATC, MTC, AICS Faculty leh sawm bik mi eng emaw zatte nen mi 400 chuang an tel a ni.

India Missions Association hi kum 1977-a din a ni a. India rama mission pawl hrang hrangte a tul leh mamawh dan ang zela intichak leh intanpui tawn tura Pathian ram zau nana thawk ho tura din a ni. Kuminah hian IMA inkhawmpui lian (GMS) thlen hna hi Mizoram Presbyterian Kohhran koah a tla a. Synod aiawhin Synod Mission Board-in IMA inkhawmpui hi Zarkawt Kohhranah a thleng a ni.

#### ❑ **Synod Bookroom Distributors Meet 2024**

June 7, 2024 (Zirtawpni) khan Synod Bookroom Distributor Meet 2024 chu Synod Conference Centre-ah hman a ni a. Meet hi chawhma dar 10:00-ah Pu Vanlaltirha, Stock Supervisor, Synod Bookroom chuan hawngin inlawmna thu a sawi.

Chawhma hunah Pu Lalniliana, Manager, Synod Bookroom chuan Bookroom Distributor bikte sum dinhmun report a pe a. Financial Year kal ta (2023-24) chhung khan Synod Bookroom hnuai Distributor 46-te budget chu ₹ 1,74,00,000.00 a nih laiin ₹ 3,57,45,896.00 lai an thawh chhuah thu leh budget khumna pawh ₹ 1,83,45,896.00 a nih thu a sawi. Financial Year hmasaa Distributor bikte thawh chhuah khumna pawh ₹ 46,13,861.00 a nih thu a sawi bawk. Hetiang dinhmun an thleng thei hi Pathian malsawmna leh Distributor tinte thahnemngaih vang a ni tih sawiin, Pathian leh Distributor tinte chungah Headquarters hmingin lawmthu a sawi.

Chawhnu lamah Upa H. Ronghaka, General Manager chuan Meet kaihruiin Mizoram puma Distributor hrang hrangte atangin report leh rawtnate ngaihthlak a ni a. Kum kal taa Bookroom rawngbawlina hrang hrang thlir letna leh sawi zauna neih a ni bawk.

Hemi hnu hian kum kal taa Synod Bookroom Distributor tha thlanna result puan a ni a, Upa H. Ronghaka, General Manager, PRESCOM chuan Distributor ti thate hnenah lawmman a sem a. Kum 2023-24 chhunga Synod Bookroom Distributor intehna result chu -

Pakhatna : Synod Bookroom Darlawn Distributor

Pahnihna : Synod Bookroom Sairang Distributor

Pathumna : Synod Bookroom Khawhai Distributor

Tun dinhmunah Synod Bookroom hian Distribution Centre 45 a nei mek a ni.

#### ❑ **Synod Prison Ministry**

June 7, 2024 (Zirtawpni) khan Synod Prison Ministry buatsaihin ITI Vengchhak Kohhran Hall-ah Jail tang chhuakte tan Follow-up tum 3-na neih a ni a. Follow-up hunah hian Ex-Prison inmates mi 20, Aizawl khaw chhung atangin mi 19 leh Aizawl khaw pawn atangin mi pakhat an tel thei a, hun hlawk tak an hmang a ni. He hun hi ITI Vengchhak leh ITI Kohhran Committee bakah Fellowship hrang hrang: Kohhran Hmeichhia, KTP, Kohhran Pavalai Pawl ten an hmanpui a ni.

#### ❑ **Rualbanlote Ni**

June 16, 2024 (Pathianni) hi Presbyterian Kohhran chuan Rualbanlote Ni atan a hmang dawn a, thupui pakhat inang tlang zir turin ruahmanna siam a ni. Rualbanlote Ni hi June thla Pathianni vawi thumnaah hman thin a ni.

Kum 1996 Synod Inkhawmpuiin Rualbanlote Ni hman tura a rel chu Synod Executive Committee-in a bawhzui a, June Pathianni vawi thumnaa hman turin a rel a. Kum 1998 atangin Nilai leh Beihruul Thupui Bu-ah telh a lo ni ta a. Lal Isua rawngbawlina chhunzawma rualbanlote kan ngaihsak zel theih nan Kohhranin he hun hi hman thin a ni.

Thupui : **Isua hmangaihtu chuan rualbanlote a hmangaih**

Bible chhiar tur : **Matthaia 15:29-31**

#### ❑ **Worship**

June 13, 2024 (Ningani) hian Champhai Kanan Kohhranah Zai hruai training neihpuiin Pu C. Zirlianthanga, Music Instructor leh Tv. R. Vanramnghaka, Keyboardist te an kal.

☐ **Service Board**

Synod Service Board chuan P.C. Girls' School Chowkidar (Contract)-a thawk tur leh Synod Higher Secondary School-ah zirtirtu (Contract)-a thawk tur a la thar a, an hna hi July 1, 2024 aṅging an thawk ṅan ang.

**P.C. Girls' School: (Chowkidar)**

Lalrinnggheta Kawlni s/o Mankhuma Kawlni, Nursery Veng

**Synod Higher Secondary School: (Mathematics zirtirtu)**

Samuel Malsawmhlua s/o Rozama Chawngthu, Mission Vengthlang

☐ **Synod Relief Fund**

Tun hnaia harsatna hrang hrang tawkte hnenah Synod Relief Fund aṅging hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Sairang	Tui lian tuar	35	₹ 3,51,000/-
2.	Tuirial	Tui lian tuar	18	₹ 2,95,000/-
3.	Sairang Dinthar	Tui lian tuar	14	₹ 1,40,000/-
4.	Kanghmun	Leimin tuar	10	₹ 1,61,000/-
5.	Sumsuih, Ṽhiak, Hmuifang leh Chawilung	Leimin tuar	8	₹ 1,15,000/-
6.	Darlung leh S. Sabual	Leimin tuar	7	₹ 1,15,000/-
7.	Sateek	In chhia	7	₹ 1,05,000/-
8.	Tlangnuam Vengthlang	In chhia	5	₹ 78,000/-
9.	New Eden (Tuidam)	Leimin tuar	7	₹ 70,000/-
10.	Thenzawl Venghlun, Zote South leh Chhipphir	In chhia	5	₹ 60,000/-
11.	Aibawk	Leimin	3	₹ 60,000/-
12.	Bethlehem leh Dinthar	In chhia	4	₹ 50,000/-
13.	Baktawng	In chhia	3	₹ 50,000/-
14.	Tlungvel Vengthar leh Darlawng	In chhia	4	₹ 48,000/-
15.	Tachhip	In chhia	3	₹ 45,000/-
16.	West Serzawl Kohhran Lungrem chim ṅanpui nan			₹ 50,000/-
17.	Ṽawizo	Leimin	2	₹ 30,000/-
18.	Saitual Bethel	In chhia	1	₹ 15,000/-
19.	Falkland East	In chhia	1	₹ 15,000/-
20.	Ainawn	In chhia	1	₹ 15,000/-
21.	Tuidam	Damlo	1	₹ 10,000/-
22.	Bungtlang Bazar Veng	Damlo	1	₹ 10,000/-
23.	Mualkhang	Damlo	1	₹ 10,000/-
24.	Khawpuar	Damlo	1	₹ 10,000/-
			<b>Belh khawm</b>	<b>₹ 19,08,000/-</b>

☐ **Synod Mission Board**

◆ **Jharkhand Mission Field**

June 9, 2024 (Pathianni) khan belhtu thar pahnih an awm.

◆ **Assam Mission Field**

June 9, 2024 (Pathianni) khan belhtu thar 11 an awm.

◆ **Lucknow Mission Field**

June 9, 2024 (Pathianni) khan Lucknow Pastor Bial, Chhotikhera Fellowship-ah Biak In thar, Field Secretary-in Pathian hnenah hlanin a hawng a, Biak In thar hawnaah hian mi 70 vel an inkhawm a ni.

June 9 (Pathianni) vek khan belhtu thar pathum an awm.

◆ **Masihi Sangati**

Aizawl East Area, Masihi Sangati Meet Vawi 31-na, College Veng Kohhranah neih a ni a, he hunah hian belhtu thar 22 an awm.

- ◆ **Patna Mission Field**  
June 9, 2024 (Pathianni)khan belhtu thar pali an awm.
- ◆ **Arunachal & Assam Mission Field (East)**  
June 9, 2024 (Pathianni) khan belhtu thar pasarih an awm.
- ◆ **Nepal Mission Field**  
June 9, 2024 (Pathianni) khan belhtu thar paruk an awm.
- ☐ **FM Zoawi - Aizawl & Lunglei : Hruaina Eng Radio Programme**  
**June 14, 2024 (Zirtawpni) @ 7:30 p.m. :**  
**FAK HLA HUANG**  
Solo : Ngursangzuali  
Thusawi : Rev. Zothansanga - Thawhrim Malsawmna  
Zaipawl : Leitan Bial Zaipawl - Vanram mawiah
- ☐ **Su Samachar Prasaran Programme :**  
**June 16, 2024 (Pathianni) 5:30 pm. :**  
Group/Choir/Solo : Hmingtea Tochwawng - Jisu tomai Bhalo Bese Chhi  
Group/Choir/Solo : Chhinga Veng Bial Masihi Sangati Zaipawl - Tere Pass  
Sermon : Rev. Vanlalbela - Parmesuar ka vachan zivit hai  
Group/Choir/Solo : Central PYF Choir - Krus Par  
Group/Choir/Solo : Sheila Lepcha - Apne Haathon Se
- ☐ **Hruaina Eng TV Programme**  
**13.6.2024 (Ningani) 8:30 pm : Thupui zir bing**  
**14.6.2024 (Zirtawpni) 5:00 pm : Kristian Naupang Pual**  
**15.6.2024 (Inrinni) 5:30 pm : Puitling Sunday School Zirlai**  
**16.6.2024 (Pathianni) 8:00 am : Weekly round up**  
5:30 pm : Su Samachar Prasaran  
**17.6.2024 (Thawhtanni) 8:30 pm : Hruaina Eng Luang chhuak**
- ☐ **Moderator leh Executive Secretary-te Programme:**  
**Rev. R. Vanlalnghaka : Moderator**  
June 15-16, 2024 Mualpheng Bial leh Maite Kohhran  
June 22, 2024 Biak In hawn, Tachhip Kohhran  
**Rev. C. Zoramawia : Senior Executive Secretary**  
June 17-19, 2024 Pastor Infuihtharnaah hun a hmang ang  
**Rev. V.L. Luaia Hranleh : Executive Secretary**  
June 13, 2024 MSSU Executive Committee  
June 14, 2024 MSSU Child Evangelism Committee  
June 17-21, 2024 Pastor Infuihtharna  
June 18, 2024 SMTC Committee leh zir tur interview  
**Rev. Dr. K. Lallawmzuala : Executive Secretary**  
June 11-14, 2024 Indian Missions Association Summit  
June 18 leh 20, 2024 Pastor Infuihtharna  
June 21, 2024 ATC Retreat  
June 23, 2024 Tachhip Kohhran Biak In thar hawwna hmanpui

